



和羅飯。具清淨戒聖衆之道其德汪洋。其有供養此等自恣僧者。現在父母七世父母六種親屬。得出三途之苦。忘時解脫衣食自然。若復有人父母現在者福樂百年。若已亡七世父母生天。自在化生入天華光受無量快樂。

第三章 ○○○○それでは、いただきます 甘露王如来のお言葉

時仏勅十方衆僧皆先為施主家呪願。願七世父母。行禪定意然後受食。初受食時。先安在仏塔前。衆僧呪願竟。便自受食。爾時目連比丘及此大会大菩薩衆。皆大歡喜而目連悲啼泣声釈然除滅。是時目連母。即於是日得脱一劫餓鬼之苦。爾時目連復白仏言。弟子所生父母。得蒙三宝功德之力。衆僧威神之力故。若未來世一切仏弟子。行孝順者亦忘奉此孟蘭盆。救度現在父母乃至七世父母。為可爾不。

第四章 ○○○○さて、これからどう生きましょうか 広博身如来のお言葉

仏言。大善快問。我正欲説。汝今復問。善男子。若有比丘比丘尼。国王太子王子大臣宰相。三公百官万民庶人。行孝慈者。皆忘為所生現在父母。過去七世父母。於七月十五日。仏歡喜日。僧自恣日。以百味飲食安孟蘭盆中。施十方自恣僧。乞願便使現在父母壽命百年無病。無一切苦惱之患。乃至七世父母離餓鬼苦。得生天人中福樂無極。

第五章 ○○○○未来の我々への伝言 離怖畏如来のお言葉

仏告諸善男子善女人。是仏弟子修孝順者。忘念念中常憶父母供養乃至七世父母。年年七月十五日。常以孝順慈憶所生父母乃至七世父母。為作孟蘭盆施仏及僧。以報父母長養慈愛之恩。若一切仏弟子。应当奉持是法。爾時目連比丘。四輩弟子。聞仏所説歡喜奉行。仏説孟蘭盆經。

南無盂蘭盆經

南無大師遍照金剛

願以此功德普及於一切 我等与衆生皆共成仏道

一返

